



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

6. Ozias, ob Sacerdotium vsurpatum, lepra percussus.

urn:nbn:de:hbz:466:1-45701

232. Cap. XXIII. Nona morb. causa, iustitia Dei in veteri Testamēto.
filījs, & uxoribus tuis, univerſaq; substantia tua. tu autem agrotabis
peſsimo languore ueritui, donec egrediantur vitalia tua paulatim per
ſingulos dies. Itaque & hostes ei Philistinos, Arabesque ſuscita-
uit Devs, qui terram luda vastauerunt, diripuerunt q; cunctā
ſubstantiam, qua inuenta eſt in domo regis, insuper & filios eius. & u-
xores, &c. Et ſuper hac omnia percuſit eum Dominus alii languore
infanabili. Cumq; diei ſuccederet dies, & temporum ſpatia volueren-
tur, duorum annorum expletus eſt circulus: & ſic longa conſumpta
tabe, ita ut egereret etiam uifera ſua, languore pariter & vita caruit.
Utinam autem non etiam poſt vitam cruciatus fuiffet continua-
tus & multiplicatus, iuſtissimo iudice vindictam tam atrocium
ſcelerum in hac vita inchoante, atque in aeternum ſupplicium
propagante.

VI.

a. Paralip. 26.
15.

Ozias, ob nimiam felicitatem elatus, ſacerdotis ſibi officiu-
arrogauit, non dilata eſt poena, inter adolendum plexus eſt. Quæ
historia, quia eos erudit, qui adulatoriè permifcent officium
Principis, cum officio ſacerdotis, dicentes, vnumquemque Prin-
cipem, in diſtione ſua, poſſe diſponere de religione & cultu diuino
eiusque ceremonijs, iphis Scripturæ verbis eſt apponenda. Ozias
itaque pugnauit proſperè: egressumq; eſt nomen eius procul, eò quod
auxiliaretur ei Dominus, & corroborasset illum. Sed cùm roborus
eſſet, eleuatum eſt cor eius in interitum ſuum, & neglexit Dominum
Deum ſuum: ingressuſq; templum Domini adolere voluit incenſum
ſuper altare thymiamatis. Statimq; ingressus poſt eum Azarias ſacer-
dos, & cum eo ſacerdotes Domini octoginta viri fortissimi reſtituerunt
Regi, atq; dixerunt: Non eſt tu officij, Ozia, ut adoleas incenſum
Domino, ſed ſacerdotum, hoc eſt, filiorum Aaron, qui conſecrati ſunt
ad huincmodi ministerium: egredere de ſanctuario, ne contempferis:
quia non reputabitur tibi in gloriam hoc à Domino DEO. Iratusque
Ozias, tenens in manu thuribulum, ut adoleret incenſum, minabatur Sa-
cerdotibus. Statimq; orta eſt lepra in fronte eius coram ſacerdotibus in
domo Domini ſuper altare thymiamatis. Cùm reſpexiſſet eum Azar-
ias Pontifex, & omnes reliqui ſacerdotes, viderunt lepram in fronte
eius, & feſtinato expulerunt eum. Sed & ipſe porterritus, accelerauit
egredi, eò quod ſenſiſſet illico plagam Domini. Fuit igitur Ozias Rex
leproſus uſq; ad diem mortis ſue, & habitauit in domo ſeparata plenus
lepra,

lepro, ob quam ejectus fuerat de domo Domini. Videte igitur, mag-
nates, quid mereamini, qui Parochis vestris, immō Episcopis
vestris leges datis, mandata præseribitis, tamquam ipsi Episcopi
essetis: videte, quid mercedis apud D̄VM mereamini. Si non
vultis carpi morbis extra ordinem orituris, Reddite quæ sunt Matth. 22. 21.
Casario Casari, & quæ sunt DEI D̄O.

Quod quia neque Antiochus fecit, non solum in ea mala
incidit, quæ supra recensui, sed etiam palam agnouit, cur in ea
mala incidisset, dicens: Nunc reminisco malorum, quæ feci in Ie. 1. Machab. 6.
rusalem, unde & abstuli omnia spolia aurea & argentea, quæ erant in 12.
ea, & misi auferre habitantes Iudeam sine causa. Cognoui ergo, quia
præterea inuenerunt me mala ista: & ecce pereo tristitia magna in-
terra aliena. Cognoui peccatum suum, sicut & Iudas, qui dixit:
Peccavi, tradens sanguinem innoxium, sed non cognoui ad veram
pœnitentiam. Neuter enim recurrit ad DEI misericordiam, vt
oportebat. Etsi enim Antiochus orabat Dominum, tamen orabat 2. Machab. 9.
eum, à quo non esset misericordiam consecuturus; quamvis desideret 13.
admissa, & sati facturum se se promitteret. Quia, vt S. Augu-
stinus respondet, Nemo dignè paenitere potest, quem non sustineat
unitas Ecclesie & fidei. Igitur Antiochus non credebat ex animo
in D̄VM Iudæorum, neque statuebat seruare religionem ab ipso
præscriptam, sed tam speciosa promittebat tantum, vt posset eu-
dere præsentem calamitatem. Quæ autem nos superiū ex pri-
mo libro Machabæorum breuius narrata attulimus, in secundo
libro enucleatiū in hunc modum narrantur. Elatus autem in 2. Machab. 9.
ira, arbitrabatur se injuriam illorum, qui se fugauerant, posse in Iudaos 4.
retorquere: ideoq; iussit agitari currum suum, sine intermissione agens
iter, calesti eum judicio perurgente, eò quod ita superbè locutus est, se
venturum Ierosolymam, & congeriem sepulchri Iudaorum eam factu-
rums. Sed qui uniuersa conficit Dominus D̄vs Israël, percutit cum
insanibili & intuisibili plaga. Ut enim finiuit bunc ipsum sermonem,
apprehendit eum dolor dirius viscerum, & amara internorum tormenta:
& quidem satis justè, quippe qui multis & nouis cruciatibus aliorū
torserat viscera, licet ille nullo modo à sua malitia cessaret. Super hoc
ausem superbia repletus, ignem spirans animo in Iudaos, & præcipiens
accelerari negotium, contigit illum impetu euntem de curru cadere, &

G g grani